

迷

職

吟

述職吟序

國家太和翔洽衢謠巷舞寰寓  
歌擊壤焉以山川則清澍也以  
人物則茂美也雖封域井疆倚  
毗互錯要皆沐浴於合同之化  
共享

昇平猗歟盛哉余癸卯秋仲讞  
事黔中旋奉

命展

覲趨

朝時已屆滌場之候民氣和樂  
百室盈寧自黔而楚而豫漸達

京輦凡所必經無城市村墟率  
皆潤澤豐美雖其時郵程信宿  
而星軺所指目擊心遊登眺間  
不知其何以勃々欲發也惟自  
念通籍以來即綜覈吏事於聲  
偶之學或間一效之輒復棄去

初亦不計此行之勅：欲發者  
且裒至百數十首之夥也顧以  
觀風問俗導揚善氣大吏之所  
有事夫民之自樂其樂方勸以  
九歌俾益裕敦龐之原矧樂民  
之樂者揚詠鼓舞又烏能以自

已哉故凡憩息之區間與諸  
寐遇則艷其政之成也與諸循  
良遇則勉其懋乃績也他如俛  
仰古今流連山水下逮蟲魚花  
鳥隨其所適具有賞心蓋時和  
歲稔亦遂不覺其言之長景之

富褒美泳歎以出之也若夫聲  
偶之學非所素嫻第生平自喻  
竊欲以質直之詞抒性情之蘊  
近謹跪聆

聖訓龐識拍歸則夫土壤細流  
是亦環聽擊壤之歌和其聲以

鳴豫者也爰稍為點次并記其  
時日云

乾隆甲辰仲春月朔撫滇使者  
竹軒劉秉恬書於滇南官署



述職吟目錄

卷上 詩六十五首

八月朔日自昆明早發作

過海潮寺

西林渡

響琴峽

重安江

過飛雲洞

舟行即景

王丹峯二尹省親後來滇相遇芷江舟

次詩以誌喜

秋日舟行沅州道中

順風船

舟中

辰陽道中舟行遇雨

青浪灘弔馬伏波

青浪灘登山謁伏波將軍廟

舟行遇雨

送沈寶甄先生歸里省親

舟中憶舒制軍大兄

曉發大龍驛

秋紅菽

十月十日宿澧州偶紀

宿公安縣

秋日渡荊江

渡荊江

過江後所見

宿荊門州龍泉書院作

曉起復得一絕句

駐麗陽驛作

路經襄陽書贈陳觀察

入河南境作

平原遠眺

新野道中有小寺適當官路余過之小  
憩見壁上詩句乃鮑雅堂舍人夏間  
往貴陽典試時留題也詩筆俊逸因  
步其韻

南陽道中

南陽懷古

博望驛作

漢張騫  
封邑

述職吟

裕州行館與王丹峯夜話

過葉縣作

過昆陽故址作

詠初冬盆菊

豫省長葛陳令余由滇省教職舉膺民  
社者也今過其地陳令來謁因賦詩  
勉其為官

接家信喜而有作

渡黃河作

謁河神廟

渡河阻風

望嵩山

十一月朔日

詠車

臨漳詠古

湯陰謁岳忠武廟

述職吟



目錄

入直隸境作

邯鄲呂翁祠作

沙河縣作

寒

過圓津庵見壁上刻有方宮保詩章即

少其韻

滹沱河

正定瞻隆興寺



清風明月店作

冬日過慈航寺作

寄勉月桂

將到都門作

卷下 詩八十二首

述職後敬書

喜雀

冬日詣蓮池書院敬步

御製元韻用勉肄業諸生

過雨花庵用鮑雅堂韻

述職回任早行看初日

豐樂鎮

途遇粵西瑤方伯夜話

途遇楚南伊撫軍夜話

渡河

蠟梅

事

臘月渡荆江

祀竈

過江後見紅梅作

臘雪

途遇湖北馮廉使作

武陵形勝

途中度歲作

歲暮行次武陵駐試院內李軍門設席  
詩以致謝

陬市渡

桃源洞

鄭家驛度歲即事

癸卯除夕

甲辰元旦

生春詩八首

春帖子

鞦韆

辰州道上

春雨

沅州道上

甲辰人日

駐玉屏縣

玉屏縣遇雪

先慈忌日作

雪後過飛雲洞

甲辰立春

元宵

燈詞六首

元夕後一日李中丞暨孫方伯張廉訪  
范戴兩觀察招飲於夢草池看燈席  
間口占七律一首用紀

昇平之盛事無述寅好之雅懷

十七日自貴陽早發接家信喜而有作

過安順府

滇南勝境

喜晴

過清溪洞

寄石蘭老人

過馬龍州春草園

述戲吟

目錄

板橋途次口占

記所見經過宮民情形



述職吟卷上

竹軒劉孝廉詩

八月朔日自昆明早發作

丹詔從天下星輶忽促行無須蠲吉日便合  
赴王程麗旭千林曉嘉禾四野盈所希  
天錫福萬寶慶西成

過海潮寺

古刹面湖開青山接水隈煙波環佛座松竹

述職吟

卷上

一

擁蓮臺澹蕩澄心理空明入眼來偶過為駐  
節疑是小蓬萊

西林渡

西林事業煥千秋渡口於今德政留過客到  
來爭利涉相公早已備輕舟青山兩岸遙相  
拱碧水中間自在流景仰先生多利濟願同  
山水永無休

響琴峽

琴響何因在峽邊  
高山流水湊成弦  
雙峰送籟聲飄遠  
湍壑縈波韻曲傳  
雅調非關人力奏  
清音一藉化工宣  
惟聞晝夜俱如是不見誰彈響自然

重安江

江臨雉堞邊  
流水碧潺湲  
浪靜平如鏡  
風來清且漣  
舟憑雙棹濟  
渡用一繩牽  
不見波濤險  
重安取義賢

過飛雲洞

飛雲不是雲怪石噴成紋萬蕊空中挂千花  
碧裏分境幽山寂、客訪日紛、相對渾忘  
去疎鐘隔嶺聞

舟行即景

雨過兩岸重、翠日照中流片、金此際風  
光多逸趣興來那禁發高吟

王丹峯二尹省親後來滇相遇芷江舟

次詩以誌喜

西風黃葉菊花天  
兩下相逢古渡前  
浙右家居剛數月  
滇南握別忽經年  
開窓接席聽新雨  
把盞移時起夕煙  
已慰萱堂朝暮望  
共同華硯莫言旋

秋日舟行沅州道中

朝發芷江城中流  
水漸平岸寬灘少險  
山遠境多情雲樹參差見  
樓臺次第呈更當秋氣

文淵閣  
癸彌望太虛清

順風船

扁舟一葉隨風駛人坐船行馬疾馳世上儘  
多如意事當其境者念欽茲

舟中

秋江一棹向燕京極目激波似鏡明依岸丹  
楓增色潤插瓶黃菊秀華英一心朝  
關情長切十月乘槎水倍平寄語海山高閣

裏莫因暫別動離情

辰陽道中舟行遇雨

風吹雲勢合聲送雨淙淙  
碧水添新漲丹山  
失遠峯中流漂苕芰兩岸  
潤杉松咫尺桃源  
渡乘槎識所從

青浪灘弔馬伏波

漢主中興日伏波遨遊時  
與述不相契說箇  
終狐疑一意波東向  
擇君具卓知袒憤迎廡

下臣主兩無岐聚米劃軍道運籌更多奇以  
之仿前賢子房堪追隨如何矜善戰據鞍示  
能騎甚至甚其說馬革欲裹屍交趾雖得勝  
武陵究力疲若從赤松子始終帝王師厥事  
已邈矣舟行偶過之仰瞻廟容古不禁為嘻  
噫

清浪灘登山謁伏波將軍廟

停船瞻廟像清浪古灘頭壯志千秋在威名



萬古留白雲  
窓外起碧水  
座前浮景仰  
山高  
處誰來不泊舟

舟行遇雨

霖雨添江漲  
乘風好泛槎  
浪翻波轉錦  
點滴水生花  
打幔呼人正  
侵窓用篾遮  
雲煙籠罩  
處岸上數人家

送沈寶甄先生歸里省親

秋柳依依  
兩岸垂送行  
恰值水之湄  
年來肺

玉耳  
腑都無隔平日心宵豈不知一旦言歸情切  
切尅期赴約莫遲、家欣子舍承歡處正是  
萱堂健飯時

舟中憶舒制軍大兄

建牙吹角武昌城經濟文章是  
國英把盞吟詩頻得句開懷論舊又能兵今  
憑一紙通心蹟昔以多情定弟兄獨坐思君  
不相見閒聽秋雨打船聲

曉發大龍驛

來往居衝要，滇黔路必經。  
驛爲更馬處，地豈像龍形。  
林際籠初日，天邊沒曉星。  
楚人勤種植，遍嶺短松青。

秋紅菽

秋豔海棠紅，菽紅豔與同。  
動人偏有致，耀目自成叢。  
婀娜暝初日，歌斜醉曉風。  
非徒顏色麗，缺食亦堪充。

十月十日宿澧州偶紀

午過清化驛晚到澧州城問渡連三次計途  
已兩程燈光相照耀月色倍分明多少熊羆  
侶輿前結隊迎

宿公安縣

南北初分界風光兩省同山川多秀麗種植  
半杉桐問渡剛過澧計程漸近嵩公安賢邑  
宰求治要能公

秋日渡荆江

長江滾滾向東流  
南北行人對渡舟  
萬里河山來楚地  
千家煙火是荊州  
鳶飛魚躍盡中  
看雲影天光鏡裏浮  
無限清佳堪領略  
况逢朗日菊花秋

渡荆江

荊州之江曰荊江  
兩岸竹樹水雲鄉  
我來問渡頻經此  
一帆快挂順風揚  
風平浪靜中流

穩宛似驅車走康莊忽聞羣雁聲徹耳雙  
擺列字成行忽見小艇隨波轉漁人撒網手  
挈網水連天子天連水一望水天白茫茫問  
江發源從何自巫山巫峽氣鬱蒼問江歸海  
從何去金焦山下滾長長江萬里古天塹  
南北人來志挽航默禱

江靈永安瀾莫使偶爾風濤狂

過江後所見

江平浪靜不揚波昨日扁舟一葉過地面忽  
開新曠濶山容全改舊嵯峨人家板屋仍時  
有田畔黃牛漸見多江北江南俱歲稔欣聽  
一路楚人歌

宿荊門州龍泉書院作

徧山紅葉欲寒天書舍清佳夜可眠榮馬馳  
驅剛百里土人指點識三泉書院外有龍泉惠泉蒙泉風  
聲蕭颯溪聲急月色光明水色蠲庚子年曾

過此處流光荏苒又三年

曉起復得一絕句

暫駐終宵喜地偏龍泉書院水雲邊地靈自古由人傑勗爾諸生效昔賢

駐麗陽驛作

菊殘楓老小陽春檢點征裘欲換新  
蒹北朝天應指日滇南話別幾經旬  
朝行策馬迎紅旭夜夢停車近



紫宸今晚麗陽投逆旅襄陽尚隔數煙津

路經襄陽書贈陳觀察

嚴城背嶺踞江邊氣象巍、倍萬千秦豫平  
看歸掌握滇黔回首隔雲煙菊花澹、香歌  
席楓葉飄、舞綺筵北道主人今有主襄陽  
觀察意纏綿

入河南境作

清晨纔別襄陽郡薄暮來過新野城漢、川

原連岸闊迢迢，道路俯雲平。  
旗翻酒店臨風，挂樹遠荒村。  
傍水生可喜，河流新堵塞。  
載歌萬福告功成。

平原遠眺

四望清虛罩地圓，遙林樹杪接遙天。  
不須別向圖中索，吟就新詩紀短箋。

新野道中有小寺適當官路，余過之。  
小憩見壁上詩句，乃鮑雅堂舍人夏間。

往貴陽典試時留題也詩筆俊逸因  
步其韻

蕭寺臨官路無須向問津  
茶香烹代酒室小  
暖如春當道曾多日  
賞心有幾人  
偶來留句  
去便是結前回

南陽道中

垂柳西風大道邊  
水明沙白鴈鳴天  
人家漸見煙稠密  
知是南陽在眼前

南陽懷古

雉堞似魚鱗，巖城傍水濱。  
週圍三數里，煙火萬家隣。  
貴戚今何在，勲庸古有人。  
到來探往事，簡策正堪陳。

博望驛作

漢張騫封邑

郎官銜命使殊方，渺、月氏道里長。  
博望恩優典，屬國子卿功豈不堪償。  
撫巡六詔已三年，述職歸陳。

丹陛前那似當時勤遠略西南夷衆始通滇  
傳說浮槎曾上天支機石畔月娟娟詩家久  
已成佳話正史堂、却未鐫

驛云博望附南陽地以人名地愈彰到此停  
車興古思頻吟新句貯詩囊

裕州行館與王丹峯夜話

疎簾半捲晚風涼翠竹陰、暎粉牆夜靜尤  
多清賞處月明閒話聽更長

過葉縣作

葉公昔是此邦臣問政殷々意尚純試告而  
今為宰者遠來近悅勉遵循

過昆陽故址作

昆陽之戰至今傳舊績依稀想昔年百萬雄  
兵真臣敵三千勁旅破中堅風雷實有天神  
護虎豹驚從地底旋薩爾許尤稱盛事

昆陽之戰為史冊內所罕有我朝定鼎之前與明兵戰於薩爾許當時以少擊多以寓

陳衆其出奇制勝情形  
尤駕乎昆陽之戰焉

慕容古獨耀青編

詠初冬盆菊

小陽春日半寒天  
盆植黃花几榻邊  
清氣襲人香未減  
素姿在室色逾妍  
白衣送酒應仍有  
青女飛霜不到前  
莫道此花、後少嶺頭  
梅蕊接新年

豫省長葛陳令余由滇省教職舉膺民  
社者也今過其地陳令來謁因賦詩

勉其為官

養民應在教民先邑令何由教職遷自古文  
章多幹濟從來吏治在書編萬家煙火資徐  
理幾載辛勤仰善全豫省治河數載長葛民人趨公給事極為辛勤  
此地葛天遺古意葛天氏故墟勗哉為政  
勉為賢

接家信喜而有作

忽報滇南摺使來

滇省路遠音信通問甚難向俱付齋迺奏摺人順寄



平安家信喜從開  
遙思幕府清佳處  
花滿庭除月滿臺

渡黃河作

發源由塞外  
歸宿向江南  
海口潮宗一  
龍門浪疊三  
堤防資竹石  
堵禦賴丁男  
從此安瀾永  
民和樂且耽

謁河神廟

神靈資默祐  
殿宇建堤邊  
繞戶千株柳  
開窗

萬頃煙波民安梓里禦漲保桑田乘早來瞻  
拜齋心一秉虔

渡河阻風

船至中流泊不前風雲飛舞勢迴旋倏時風  
正帆高挂款乃一聲到岸邊

望嵩山

嵩嶽巍々俯汴城高峯特起勢崢嶸古今共  
戴靈逾顯天地居中力獨擎日月升恒光燦

爛風雲際會理分明

古稀天子開闔闔額上三呼達

帝京

十一月朔日

光分御燭星辰亂拜賜宮壺雨露新此是東  
坡今日句高吟猶覺口生春

詠車

何事響轡、驅車駕兩輪遠能行萬里重可  
述哉今

卷上

十四

致千鈞不與舟為伴偏同馬作隣往來沾雨露  
馳逐冒風塵茅店雞聲早荒村月色新  
南無所用深軌是遵循

臨漳詠古

美人鼓樂在高臺終日歡娛豈解哀若是西  
陵真有識東瞻銅雀亦傷哉  
骨棄九泉終已矣西望遺命不愚乎人言魏  
武多才智豈識奸雄是大愚

湯陰謁岳忠武廟

湯陰故里廟容新

時廟重修未久

松柏青々壁少塵

曰孝曰忠能勵己惟文惟武更期人功高百戰心難遂祠煥千秋績不泯忽見殿前精采發墨莊兩字蹟留真

入直隸境作

滇黔豫楚路縣々策馬前來冀北連地界延長經六省

天頴企慕已三年夜行嬾睡留明月早起衝  
寒破曉煙述職愧無勞可述敢云  
聖主得臣賢

邯鄲呂翁祠作

瓦屋三間草滿庭盧生遺有睡時形祠內塑  
有盧生  
像黃梁飯可熟曾否夢到於今尚未醒  
即夢即真本不空神仙塵世理相同世人盡  
道昇仙好吾恐神仙亦夢中

沙河縣作

一望渺無垠層沙繞縣屯風來翻似水月上  
白如銀馬踏聽無響車行藉有茵沙河今縣  
治名實肖其真

寒

一陽將復候寒氣已凝成暖屋忘其暖輕裘  
覺更輕風高渾似削水凍即成晶待看催年  
節梅花爆竹聲

過圓津庵見壁上刻有方宮保詩章即

步其韻

策馬將過且少遲到門自有賞心時庭前徧

看新題句壁上還吟舊刻詩墨妙傳為僧舍

寶廟內懸有方宮保墨蹟對聯政多本自佛心慈直隸省留養局

乃方宮保創定留養局民之所詩內曾言及一杯香茗供清玩坐

對欄干日影移

滹沱河



水面冰凝似鏡明  
興梁一道報初成  
風吹落葉千林曉  
日照平沙兩岼晴  
麥飯昔能酬主德  
葵衷今欲表臣誠  
五雲深處望金闕  
策馬先過正定城

正定瞻隆興寺

梵宮重葺接蓬萊  
色相莊嚴更大哉  
金碧輝煌高殿閣  
香煙繚繞靜樓臺  
雖由佛力能彌久  
實仗

皇仁得再培爭道前年工竣日五雲遙捧  
翠華來

清風明月店作

天寒檢點換征裘早散新城晚定州兩袖清  
風臨古道一輪明月照高樓彩旗翻處人呼  
酒羽檄馳來馬遞郵借問東西南北客勞  
攘、欲何求

冬日過慈航寺作

慈航何事始經營節使殷々答舊情公制軍方

時路過漕河潦病其地有一僧住廢廟幾掾

延公調息數月病愈而去後公來莅此土感

僧舊誼於其地創建廟宇規模宏敞願其願

曰慈航即延前僧為住持相待甚優至今直

隸猶傳為已達能隨未達志佛廬因藉佛心

佳話云成階前木樹三冬古門外河流一帶橫地靜

樓臺塵不染惟聞鐘磬數聲清

寄勉月桂

終日勞々策馬行忽思書屋在雙清環池碧

之雅  
水堪娛目繞砌名花寂適情曉月雞啼驚五  
夜西風鶴唳伴三更官衙整肅書齋冷惟有  
吟哦入耳聲

上達原從下學宏一家望爾振家聲日研翰  
墨休生懈力讀詩書自有成得意文來神倍  
暢會心到處理逾明良工不肯示人璞何事  
匆匆浪博名

將到都門作

揚鞭策馬紫雲邊

帝闕巍：在眼前萬里車書果四外千官劍

珮會中天

禁城雉堞明初日

御苑樓臺澹曉煙整頓衣冠稍志氣好趨

金殿祝

慈年

述職吟卷下

竹軒劉秉恬著

述職後敬書

三年述職得朝

天日，趨依

丹陛前敬仰

睿容司日月早知

帝德蘊淵泉

述職吟



卷下

絲綸袞々兼仁義制度班々數萬千自愧疎庸無獻替欲酬高厚意誠專

喜雀

翎毛多善種喜雀北先知吉事來相報好音送不欺天心應有動物理豈容私欲考其祥者聲聞在羽儀

冬日詣蓮池書院敬步

御製元韻用勉肄業諸生

節氣嚴寒冬至邊蓮池冰結未開蓮名符君子北多士學勉諸生效昔賢數畝方塘來活水幾重曲檻護淵泉眼前儘是無窮理莫負寒窗學道年

過雨花庵用鮑雅堂韻

佛庵臨大道駐馬一杯茶座上座初息庭前日已斜地衝時引客僧熟便如家天女居天



上誰曾見兩花

述職回任早行看初日

不住雞聲欲曉天星軺早發馬跡還初昇旭  
日紅於火旋起祥雲湧似蓮身被陽和

恩倍渥心承

霄漢意長拳舉頭即見誰云遠葵向殷

帝座前

豐樂鎮

豐樂得佳名河南第一程年豐符衆望民樂  
洽羣情車轍通三楚馬蹄達北平所希頻歲  
稔處：慶時亨

途遇粵西瑞方伯夜話

向呼方伯是胖

蒲官切

翁久別相逢體愈豐司

權河東名昔著宣藩嶺外治今隆關心長夜  
三更轉共話離蹤兩地同聚首偶然分手疾  
馬蹄明日各西東

途遇楚南伊撫軍夜話

滇南觀察政多宜此日長沙建節旗晚達得  
舒平日志連遷實感

一人知

伊公年將七旬於一年內由雲南池東道陞至湖南巡撫

洞庭月

色明千里嶽麓書聲應四時述職南來欣路  
遇話多不覺夜眠遲

渡河

黃流萬頃映朝暉一片金光接翠微兩岸新

堤彎似月中派小艇捷如飛橈聲謳輒聽南  
去帆影橫斜看北歸策馬急趨官渡口乘風  
快濟莫相違

蠟梅

品格清幽亦是梅冷葩先發待春迴色分中  
土黃金染香藉寒天白雪催磬口不言仍索  
笑檀心無欲自成材百花未發輸梅放還讓  
金蕾更早開

述職吟

卷下

四

述職回任臘月十一日途次拜發敬陳  
感慕悃忱劄子詩以誌事

拜別

君門已兩旬寸心企慕莫由申千言敬泐陳  
丹陛一騎遙征達

紫宸柳發龍池人送鵬星迴

鳳闕殿生春從來奉職無他技惟仗葵衷一  
片真

寄題惠風堂茶花

塵世山茶非一種  
品題高出數滇中  
一枝占盡人間艷  
千朶飛來鶴頂紅  
雪裡開花梅不  
畧  
春前鬪色槿難同  
官衙此日堪吟賞  
滿樹珠聯映惠風

宿襄城縣

曉行從石固  
薄暮到襄城  
人住千家滿  
水環一帶縈  
坐間梅宛  
窗外月盈  
欲洗風塵

色香茶一盞清

車鈴

車鈴茆店中不住響  
丁東每伴三更月長隨  
五夜風聲非能遠  
大體自具虛空來日經行  
處徐聽遠近同

裕州瞻拜漢光武廟

光武能將祖武繩  
平生功業艷人稱  
寇平河北歸聲望  
兵戰昆陽任獨膺  
隴蜀幾成三鼎

勢東西統屬一家承  
南陽故廟千秋壯殿陞  
森嚴級九層

迎春花

黃金滿樹色羸銀  
開與梅花作比隣  
香味清佳雖少減  
天教早放為迎春

吳白華學士楚北視學  
差滿回京相遇於途  
別後承以詩寄即步其韻奉荅  
學士風流名久傳  
歸途裘馬看翩聯  
司文兩



送瞻明

蜀彩風化剏集三湘譜管弦

白華曾為四川學使今衡文楚

北刻有全集

風兩相逢欣此日琴樽再會是何年

無邊別緒書難盡且把新詩勒短箋

### 南陽道中

南陽曉發向西行盡日依河似帶縈過午日  
斜光射水金波閃々錦鮮明

### 經襄陽作

川原迢遞路縣々回到襄陽月兩圓

進京時於十月

十七日到襄陽今回任漢水舟寒愁遠客峴

山碑古想前賢菊花曾艷秋深日梅蕊初開  
歲暮天指日經過三楚地新年頭上到黔滇

### 曉渡漢水

翠波泛泛帶金光兩岸晴嵐滿太陽舟渡中  
流添好景漁人擊節唱滄浪

### 入楚境襄陽道上作

迢迢驛路任西東漢水旁流到處通雲樹依

微千里外帆檣出沒片時中征塵不起因風  
細花蕊纔舒喜日融豫楚封疆原咫尺地分  
南北却難同

江行

櫓聲謳輒水中央帆影千竿帶夕陽江面一  
望平似鏡中流穩坐賽康莊

入楚境後所見

屈指行程纔渡河襄江昨又泛舟過竹篷為

蓋人皆有板屋臨街日見多騎馬身軀無款  
段撐舟手技自柔和民風到處原難一過客  
何須一律科

詠帆

風正一帆懸堪行萬里船逆難憑水送順不  
藉人牽影拂層煙裡竿斜落照前鳥飛時欲  
後馬逐未能先藏用非由我卷舒只信天不  
愁江漢遠來往自翩

自麗陽驛行次荊門州途中口占  
兩邊蘿薜路中間迴繞峰巒又一彎  
嶺樹濛濛雲霧裡前途尚隔幾重山

荊門州

入境襄江限一線過江以後路縣延忽逢疊  
障高而遠用作荊門守可堅三楚昔時多戰  
壘兩湖今日盡耕田所希歲歲長豐稔閭里  
咸歌大有年

過荊門州姚中丞邀飲

縣、驛寄信雖頻不似相逢可得真七十精神看愈健積年吏治本多純武昌城外千邨兩黃鶴樓前四野春今在荊門重會晤把杯酒舊荷情親

詠鵝

禽類多家畜稱名一曰鵝色黃初出卵羽白久離窠每在池邊戲時從月下過黃庭經一

卷不換奈如何

癸卯冬余進京

陛見兩湖舒制軍來簡約於赴荊州閱兵時  
藉圖一晤迨余至荊州公以監臨武  
闡鄉試尚在武昌及余出京道出楚  
省公又先奉

命兼權湖南撫篆遠駐長沙相晤之期更難  
必矣迺余昨行次建陽驛而公適以

公事自長沙前赴楚北之荊門州旅  
館把晤坐談半夜而別於此見知交  
相遇總有一定緣分從來詩家因別  
離而興跂望之思形為詩句每落故  
套殊覺可不必也因賦長律一首誌  
事

旌旗間說駐長沙六詔言旋道里賒只道相  
逢真不易誰知途遇竟無差金蘭交契情長



切藥石言規語戒誇海內惟愁知己少何愁  
知己遠天涯

臘月渡荆江

臘月江深氣倍寒征裘重著莫教單一帆高  
挂隨風順十里平過遇浪安且喜乘槎江已  
渡莫愁對景歲云殘好惟馬上過年節村市  
喧聞處、看

祀竈

夔、臘鼓鬧邨鄰節應交年祭祀頻司命在  
天非可醉敬神自我是惟寅千聲爆竹音仍  
舊幾朶梅花色煥新酒果畢陳虔禮拜竈頭  
又是一年春

過江後見紅梅作

幾樹紅梅肇歲芳  
臙脂初放在江鄉  
花疑是杏姿偏韻  
色不殊桃味獨香  
盡客調丹塗嫩蕊  
佳人勻赤艷新妝  
梅花本是江南客  
從此

看梅日正長

臘雪

連日寒光生積雪今朝雪勢看翩、揚花不  
落春風後柳絮爭飛臘月前玉壘尚遮千里  
霧珠塵已滿萬家田

天心仁愛恩施普應卜來年大有年

途遇湖北馮廉使作

自出京華各一天南轅北轅不相連官道把

晤原難必岐路欣逢是偶然官職已看還舊  
物精神稍覺遜當年臨行慙々無他語調養  
身軀實所先

### 武陵形勝

武陵名勝跨諸州山勢川形闊復脩四路會  
歸居楚要衆河湊泊入江流往來驛路多乘  
馬南北行人亦泛舟更有一篇佳記載桃源  
即在郡西頭

途中度歲作

回首京華路幾千簡書奉  
命且南旋適逢馬上度新歲走看人家過好  
年旂彩高懸光照耀春聯滿貼紙鮮妍燈花  
買去懽兒女酒果携回祭祖先鼓吹響聞豐  
市裡管絃聲落盡樓前梅花昨見開江上爆  
竹時聽鬧耳邊旅次方愁多寂寞行程豈意  
日喧闐心惟

帝闕拳、在未得隨班拜舞邊

歲暮行次武陵駐試院內李軍門設席

詩以致謝

本是衡文地暫傳秉節人  
往來均駐馬信宿可容身  
音奏簾前樂梅開坐上春  
軍門情款款杯酒一為陳

陬市渡

渡頭陬市口喧鬧勝城闉  
兩岸人煙密一河

舟楫頻花魚陳夾道鹽米積連塵

取市為米糧聚集之

所

近得賢能宰風光更一新

桃源洞

只因昔有桃源記此日桃源古蹟留未識記  
中描寫處明如繪又何由

鄭家驛度歲即事

朝發桃源欲曉天鄭家驛舍晚停鞭行程問  
渡連三次節序重週又一年八上梅花香滿

座門前爆竹響如泉却欣旅館過新歲得讀  
詩文幾百篇

癸卯除夕

嚴冬寒漸退景物換非芳今夜愁更促來春

喜日長

甲辰年閏三月

松盆先送暖樹酒待傳香轉

瞬雞鳴後朝天戴旭光

歲序周將始支干迨轉宮今宵辭臘月明日

被春風凍解池舒綠梅開壁映紅許多如願

述哉今

卷下

十四



事應在甲年中

甲辰元旦

隆、旭日啓三陽花甲週旬氣運昌四季今

朝開歲首新年閏月喜春長今年閏三月青龍主

令人多吉春為青龍今年甲辰屬龍丹鳳朝

天關獻祥北望長安遙拜跪南山祝

壽慶無疆

生春詩八首

梅

何處生春早春生梅蕊中一枝邀臘雪幾朵  
綻和風不聽開江上還宜置閣東無邊春色  
好梅信早為通

柳

何處生春早春生嫩柳中淺金搖旭影弱翠  
泛晴空  
綳細姿偏媚眉彎盡欲同龍池新雨  
後一望鬱蔥

草

何處生春早春生芳草中  
葉雖霜易翦芒却土難蒙  
已見青如線旋看碧集叢  
王孫歸不遠芳草路相通

竹

何處生春早春生綠竹中  
雷鳴驚稚子龍起散孫童  
翠色和微露嫩叢惹惠風  
平安書欲報心與此君同

山

何處生春早春生山色中間紅初日襯淺綠  
曉煙籠樹暖鶯環繞雪消路曲通靜觀多態  
度盡客盡難同

水

何處生春早春生碧水中池塘看綠泛河畔  
聽冰融魚戲隨波去舟行到處通野航多露  
宿是不畏春風

臺閣

何處生春早春生畫閣中和風來檻外旭日照樓東  
爆竹臨簷響梅花入笛迎寒從高處散春意自融

行館

何處生春早春生旅館中陽和先客至慶賞與人同  
晚宿每離火朝行不畏風津途經萬里屋澤感

恩隆

春帖子

元宵先一日便是立春天燈月添春色征人不欲眠

青龍主吉祥恰值歲當陽預卜交春後綿  
福祿昌

春光隨處好最好是江南  
鑾輅經過地風和雨亦甘

未載今

卷下

鞦韆

梨花院落前結伴戲鞦韆纔見帟拖地旋看  
鬚撥天飛花相澹蕩舞蝶效便娟春思知無  
盡聊憑一線牽

鞦韆架插天遊戲彩雲邊的、真飛燕飄、  
是羽仙嬌能憑力起弱不藉風旋一幅嫦娥  
盡遙從碧漢懸

辰州道上

盤旋道不窮盡日在山中幾訝層巒障翻從  
驛路通每過流水峽時謁伏波宮此方為新  
息征武陵

蠻處居民多  
建伏波宮

遙望橫雲外高峯插碧空

### 春雨

春初宣愷澤遍地雨如膏青翠環遙野松杉  
潤遠舉只期豐歲食那慮濕征袍欲記新年  
瑞詩成寫紫毫

### 沅州道上

述職吟

卷下

六



青山依綠澤石砌路斜長馬足煙雲裏鞭絲  
水竹旁雨過添嶺翠風起看帆揚行盡沅州  
道黔途便接疆

甲辰人日

滇南異北路縣人日初逢在客邊山色送  
迎同度歲河聲泮渙識新年花開尚待春歸  
後人至何妨鴈落前獨是春今古事未能  
此日亦朝

天

駐玉屏縣

細雨霏、柳色青  
晃州行館暫鞭停  
今宵匹馬歸何處  
萬壑千山擁玉屏

玉屏縣遇雪

玉屏縣治麗黥中  
名實由來未必同  
一夜花飛工染色  
天然一座玉屏風

先慈忌日作

憶先輓粟西川去拜別 萱堂歲在壬寅省

自慙遊子意門閭望切 老親心春暉未報

悲難已

天語馳回感實深子於壬辰夏赴西川督餉

劇念子甚切 奉侍體恤甚為周至至今言感切於心

忽、光陰今六度興懷風木淚如霖

雪後過飛雲洞

霽後山門氣象明到來今付駐前旌四山積

雪渾如玉滿洞飛雲訝八瓊嶺樹紛紛花遍  
發巖泉滾滾水逾盈陞階禮佛申虔意一炷  
清香磬幾聲

甲辰立春

歲序先期已屬辰試燈時節恰逢春星橋火  
樹通宵燦彩燕青旂一色新雪後遍山猶種  
玉風來拂地不揚塵今年閏月春光久惟願  
長春駐

紫宸

元宵

重門今夕啓夜半抵黔城偶爾逢佳節悠然  
有逸情座前樽酒泛窗外幾燈明猶覺饒餘  
興吟詩到五更

燈詞六首

雪晴恰是試燈天月色燈光雪色連燈月交  
輝人意爽更欣瑞雪兆豐年

桃李待時纔吐華、家、爭看火中花、休相競  
逐、愁春盡、閏月今年春正賒  
遶街火樹放銀花、到處遊人馬、擁車今夜遊  
春人不厭、未知春思在誰家  
重門不閉、聽人遊、碧樹雞啼尚未休、南陌東  
隣、遊已遍、更思携酒上高樓  
一聲長笛、盡樓前人倚雕欄、看月圓、正是春  
初、梅放、日花香、遙向笛中傳

上苑元宵故例循燈歌煙火宴羣臣今當  
玉輅時巡日到處光輝及萬民

元夕後一日李中丞暨孫方伯張廉訪  
范戴兩觀察招飲於夢草池看燈席  
間口占七律一首用紀

昇平之盛事兼述寅好之雅懷

數畝澂潭澈底清燈光四射水盈、銀花疑  
自空中發火樹還看鏡裏明雪後偏宜增月

色池邊好是聽歌聲更欣竹馬兒童戲錦字  
當筵擺太平

十七日自貴陽早發接家信喜而有作  
班馬連嘶大道東雞聲隱隱度微風思歸客  
起天將曉寄信人來日漸紅芳草遙傳千里  
外離情盡在寸函中明知日行程近却喜  
頻頻尺素通

過安順府

述職吟

卷下

五



黔境道紆盤西來漸、寬山開三面闊城遠  
萬家攢路要人難越兵多勢不單  
安順為提督駐劄之  
所設有重兵苗夷歸控制誰不順而安

### 滇南勝境

羣山萬壑自東來忽到滇南勝境開萬里川  
途車騎併百年教育漢夷培民風到處無澆  
習士類頻年識美材述職初回重莅任念茲  
民隱益欽哉

喜晴

雨雪日霏，新晴見翠微。日升重霧散，風逐  
豐雲飛。春色明遙野，陽光照四圍。更逢前路  
坦，安吉喜言歸。

過清溪洞

一渠春水碧潺湲，巖洞深幽別有天。內有老  
僧依佛座，年過八十健如仙。

寄石蘭老人

送聃吟

別來頻朔望忽々又新年歲月真如駛春華  
去復還高懷須自適俗累莫相牽若問佳兒  
媳童孫藉以全

過馬龍州春草園

別墅隣官舍停驂是偶然小橋流水曲晴樹  
早花鮮草色環窗外春光在目前琴堂勞治  
理恐負此林泉

板橋途次口占

麥田春樹遠連天  
山色湖光在眼前  
萬里重來宣

帝澤愧無治術對全滇

記所見經過官民情形

滇南異北路縣長六省經臨  
志入望到慶問  
閩知法度相逢守令有循良  
恩施四外山河永化洽寰中  
景物昌隆壯觀  
風親且近吟詩題奉各封疆

述職今

卷下

五